

671.3209
078
16

臨漳縣志

已集

卷七

列傳一

卷八

列傳二



数据加载失败，请稍后重试！



数据加载失败，请稍后重试！



数据加载失败，请稍后重试！

重修臨漳縣志卷之首

卷首

目錄 凡例 原序 原銜 原檄 圖

卷一

疆域志

四至 紀事沿革 村鎮 河渠 風土

古蹟

卷二

建置志

城池 街巷 祠祀 公署 倉廩 坊表

橋梁 善舉

卷三

賦稅志

人丁 地畝 科則 正賦 耗羨 漕糧

漕項 灘租 起運存留 雜稅 鹽引

學校志

學宮 學署 學額 學田 高等小學

初等小學

卷四

職官表

文職 武職

卷五

選舉表 上

薦辟 進士 舉人 貢生

武進士 武舉人

卷六

選舉表 下

文階 武階

封贈 襲蔭

卷七

列傳一

宦績

卷八

列傳二

名臣 忠節

卷九

列傳三

孝義 篤行 儒林 文苑 隱逸 方術

流寓

卷十

列女傳 上

孝婦 義婦 烈女 烈婦

卷十一

列女傳 下

節婦

卷十二

藝文志

記上

卷十三

藝文志

記下

卷十四

藝文志

詩

卷十五

藝文志

賦

卷十六

藝文志

雜志

卷十七

補餘

卷十八

瑣錄

臨漳縣志卷之七

列傳

太行遙瞻漳河內遶發爲英賢光華皎皎文經武
緯國家是寶前哲有徽後之師表作列傳

鄴下古才藪也漢魏以來名賢接軫蒐輯前哲以俾觀
摩而邑乘尙焉舊乘職官志後兼列名宦人物志後並
載鄉賢今按惠政懿行未入祠祀者有之恐滋淆混故
易其目曰宦績鄉賢事實各異今區之曰名臣曰忠節
曰孝義曰篤行曰儒林曰文苑曰隱逸方術流寓亦附

見焉爲之稽正史參舊志削繁提要考異訂譌傳則或節或補目則或創或因都爲列傳三卷葺事太速未暇博采其有弗備仍俟後賢

同治時鄉團死事者並附忠節傳中

列傳一

宦績傳

周魏 西門豹 史起

西門豹魏文侯時爲鄴令豹往到鄴會長老問之民所疾苦長老曰苦爲河伯娶婦以故貧豹問其故對曰鄴三老廷掾常歲賦歛百姓收取其錢得數百萬用其二

三十萬爲河伯娶婦與祝巫共分其餘錢持歸當其時
巫行視人家女好者云是當爲河伯婦卽娉取洗沐之
爲治新繒綺縠衣閒居齋戒爲治齋宮河上張緹絳帷
女居其中爲具牛酒飯食行十餘日共粉飾之如嫁女
牀席令女居其上浮之河中始浮行數十里乃沒其人
家有好女者恐大巫祝爲河伯取之以故多持女遠逃
亡以故城中益空無人又困貧所從來久遠矣民人俗
語曰卽不爲河伯娶婦水來漂沒溺其人民云西門豹
曰至爲河伯娶婦時願三老巫祝父老送女河上幸來

告語之吾亦往送女皆曰諾至其時西門豹往會之河上三老官屬豪長者里父老皆會以人民往觀之者三二千人其巫老女子也已年七十從弟子女十人所皆衣繒單衣立大巫後西門豹曰呼河伯婦來視其好醜卽將女出帷中來至前豹視之顧謂三老巫祝父老曰是女子不好煩大巫嫗爲入報河伯得更求好女後日送之卽使吏卒共抱大巫嫗投之河中有頃曰巫嫗何久也弟子趣之復以弟子一人投河中有頃曰弟子何久也復使一人趣之復投一弟子河中凡投三弟子西

門豹曰巫嫗弟子是女子也不能白事煩三老爲入白
之復投三老河中西門豹簪筆磬折嚮河立待良久長
老吏傍觀者皆驚恐西門豹顧曰巫嫗三老不來還奈
之何欲復使廷掾與豪長者一人入趣之皆叩頭叩頭
且破額血流地色如死灰西門豹曰諾且留待之須臾
須臾豹曰廷掾起矣狀河伯留客之久若皆罷去歸矣
鄴吏民大驚恐從是以後不敢復言爲河伯娶婦西門
豹卽發民鑿十二渠引河水灌民田田皆漑當其時民
治渠少煩苦不欲也豹曰民可以樂成不可與慮始今

父老子弟雖患苦我然百歲後期令父老子孫思我言
至今皆得水利民人以給足富十二渠經絕馳道到漢
之立而長吏以爲十二渠橋絕馳道相比近不可欲合
渠水且至馳道合三渠爲一橋鄴民人父老不肯聽長
吏以爲西門君所爲也賢君之法式不可更也長吏終
聽置之故西門豹爲鄴令名聞天下澤流後世無絕已
時幾可謂非賢大夫哉傳曰子產治鄭民不能欺子賤
治單父民不忍欺西門豹治鄴民不敢欺三子之才能

誰最賢哉辯治者當能別之

史記本傳

史起魏臣也魏文侯時西門豹爲鄴令有令名至文侯
會孫襄王時與羣臣飲酒王爲羣臣祝曰令吾臣皆如
西門豹之爲人臣也起進曰魏氏之行田也以百畝鄴
獨二百畝是田惡也漳水在旁西門豹不知用是不智
也知而不與是不仁也仁智豹未之盡尙足法也於是
以史起爲鄴令遂引漳水溉鄴以富魏之河內民歌之
曰鄴有賢令兮爲史公決漳水兮灌鄴旁終古瀉鹵兮

生稻梁節漢書
溝洫志

臨漳縣舊志云史記河渠書言西門豹引漳溉鄴以

富魏之河內而班固溝洫志載史起言漳水在旁豹
不知用二說矛盾疑當時西門渠湮廢史起紹修故
民歌之不知固之所載何從得也按史記滑稽傳西
門豹引河水灌民田本不言漳水初疑河渠書漳字
或是河字傳寫之誤及細考河渠書引漳水溉鄴以
下數行實皆史起事其文與班固溝洫志全同恍然
大悟當是西門豹三字下闕豹事實又闕史起名將
兩人訛爲一耳不然遷書不應無史起固本引錄遷
書中語何至相戾且豹是文侯時人下文水工鄭國

是魏襄時人文相接續豈不謬哉故知讀書當有識

也豹傳漳字仍用河字本滑稽傳府志

漢 楊 沛 李 孚 棧 潛 賈 逵

楊沛字孔渠馮翊萬年人也初平中除新鄭長興平末人多饑窮沛課民益畜乾椹收登豆積千餘斛會操西迎天子所將皆無糧過新鄭沛進乾椹甚喜及輔政遷沛為長社令累遷九江東平樂安太守並有治迹坐與督軍爭鬪髡刑五歲輸作未竟會操出征在譙聞鄴下頗不奉科禁乃發教選鄴令當得嚴能如楊沛比故沛

從徒中起爲鄴令已拜操問曰以何治鄴沛曰竭盡心力奉宣科法操曰善顧謂坐席曰諸君此可畏也賜其生口十人絹百匹旣欲以勵之且以報乾楯也沛辭去未到而軍中豪右曹洪劉勳等畏沛各遣家馳騎告子弟使各自檢勅沛爲令數年以功能轉爲護羌都尉沛前後宰厯城守身退之後家無餘積

節三國志本傳

李孚字子憲鉅鹿人也興平中爲諸生後爲吏建安中袁尙領冀州以孚爲主簿後尙與其兄譚爭鬪尙出軍詣平原留別駕審配守鄴城孚隨尙行會操圍鄴尙還

欲救鄴行未到尙疑鄴中守備少復欲令配知外動止
與孚議所遣孚請自往尙問孚當何所得孚曰聞鄴圍
甚堅多人則覺以爲直當將三騎足矣尙從其計孚自
選溫信者三人不語所之辭尙來南所在止亭傳自著
平上幘將三騎投暮詣鄴下是時大將軍雖有禁令而
芻牧者多故孚因此夜到自稱都督歷北圍循表而東
從東圍表又循圍而南步步呵責守圍將士隨輕重行
其罰遂歷操營前徑南過從南圍角西折當章門復責
怒守圍者收縛之因開其圍馳到城下呼城上人城上

人以繩引孚得入配等見孚悲喜鼓舞守圍者以狀聞
操笑曰此非徒得入也方且復得由孚事訖欲得還而
顧外圍必急不可復言謂已使命當速反乃陰心計請
配曰今城中穀少無用老弱爲也不如驅出之以省穀
也配從其計乃復夜簡牋得數千人皆使持白幡從三
門並出降又使人人持火孚乃無何將本所從作降人
服隨輦夜出時守圍將士聞城中悉降火光照耀但共
觀火不復視圍孚出北門遂從西北角突圍得去其明
操聞孚已得出抵掌笑曰果如吾言也孚北見尙會尙

不能救鄴破尙走復爲譚主簿名爲嚴能稍遷至司隸校尉時年七十餘矣終於陽平太守孚本姓馮復改爲

李

節三國志本傳

按府縣舊志並云操拔鄴城孚死之此云年七十餘終陽平太守是未死也姑誌之以備參考

棧潛字彥皇任城人歷縣令嘗督守鄴城時曹丕爲太子耽樂田獵晨出夜還潛諫曰王公設險以固其國都城禁衛用戒不虞大雅云宗子維城無備城壞又曰猶之未遠是用大諫若逸於遊田晨出昏歸以一日從禽

之娛而忘無垠之費愚竊惑之丞本悅然自後游出差

簡後爲燕中尉辭疾不就卒

節三國志本傳

賈逵字梁道本名衡河東襄陵人也自爲兒童戲弄常設部伍祖父習異之曰汝大必爲將率口授兵法數萬言初爲絳邑長後舉茂才除澠池令領弘農太守爲丞相主簿始逵爲諸生略覽大義取其可用最好春秋左傳及爲牧守常自課讀之月常一遍曹丕卽魏王位以鄴縣戶數萬在都下多不法乃以逵爲鄴令月餘遷魏郡太守賜爵關內侯後封陽里亭侯

節三國志本傳

晉 唐 彬 盧 志 梁 琛

唐彬字儒宗魯國鄒人有經國大度而不拘行檢少便
弓馬好田獵身長八尺走及奔鹿強力兼人晚乃敦悅
經史尤明易經隨師受業還家教授恒數百人泰始初
爲鄴令導德齊禮期月化成遷弋陽太守明設禁防百

姓安之終雍州刺史

府志節
晉書

盧志惠帝時爲鄴令成都王穎鎮鄴愛其才量委以心
膺始勸穎討孫秀及穎兵爲秀所敗欲退志曰今我失
利敵必輕我更選精兵星夜倍進出敵不意用兵之奇

也穎進敗秀兵後勸穎讓還九錫歸鄴天下歸心穎以
驕奢爲劉輿所害時官皆散惟志不去仍收殯之志後

爲魏郡太守

府志節
晉書

梁琛初事慕容暉使秦苻堅重之後慕容暉兵敗疑琛
知秦謀收繫獄堅召而釋之謂曰卿不能見幾而作反
爲身禍可謂智乎對曰臣聞幾者動之微吉凶之先見
者也如臣愚暗實所不及然爲臣莫如忠爲子莫如孝
是以烈士臨危不改見死不避以殉君親彼知幾者心
達安危身擇去就不顧家國臣雖知之尙不忍爲況非

所及耶王猛鎮鄴表琛為鄴主簿

府志節
晉書

北朝 李 庶 王松年 裴 鑑 樊 遜

李庶黎陽人祖平魏尚書僕射父諧魏大司農庶方雅
好學風流規檢甚有家風除臨漳令魏收魏書出誣罔
不直謂之穢史庶訟其不平死臨漳獄中庶兄岳痛之

終身不歷縣門

府志節
北齊書

王松年少知名文襄臨并州辟為主簿累遷通直散騎
常侍副李緯使梁還歷位尚書郎中魏收撰魏書成松
年有謗言文宣怒禁止之乃加杖罰歲餘得免除臨漳

合遷司馬別駕本州大中正孝昭擢拜給事黃門侍郎
帝每賜坐與論政事甚善之孝昭崩松年馳驛至鄴都
宣遺詔發言涕泗迄於宣罷容色無改辭吐諧韻宣訖
號慟自絕於地百官莫不感慟還晉陽兼侍中護梓宮
還鄴都舊臣避形迹無敢盡哀唯松年哭甚流涕朝士
咸恐武成雖忿松年然以戀舊情切亦雅重之以本官
加散騎常侍食高邑縣侯參定律令前後大事多委焉
兼御史中丞發晉陽之鄴在道遇疾卒贈吏部尙書并
州刺史謚曰平第三子邵最知名

北齊書本
傳新增

裴鑑臨漳縣令蒞官清苦致白雀等瑞縣小吏樊遜上

清德頌十首鑒大加賞重擢遜為主簿

節北齊書
樊遜傳

樊遜字孝謙河東北猗氏人也遜少學常爲兄仲優饒
旣而自責曰名爲人弟獨受安逸可不愧於心乎欲同

勤事業母馮氏謂之曰汝欲謹小行耶遜感母言遂專
心典籍恒書壁作見賢思齊四字以自勸勉屬本州淪
陷寓居鄴中爲臨漳小吏縣令裴鑑大加賞重擢爲主
簿仍薦之於右僕射崔暹與遼東李廣渤海封孝琰等
爲暹賓客後舉秀才尙書擢第以遜爲當時第一又被

崔昂舉薦尙書考爲清平勤幹詔令校定羣書遷員外

散騎郎

節北齊書本傳

唐

李仁綽

李仁綽咸亨四年爲鄴令時大旱乃開菊花利物二渠

水灌民田民間大饒

舊志

明

楊辛

翟景

辛芳

郤忠

李經

周

璣

袁文貴

楊秉和

吳思敬

路王道

白世徵

潘子雨

王良祐

王价

鄭懋洵

袁應泰

常澄

徐逢聘

田應召

趙友琴

張爾忠

夏衍虞

衛之瑄

楊辛山東高苑人監生洪武中任時漳水壓城辛作巨

筏渡民使升高邱活者數千人水患既息民持牛酒詐
縣辛不受曰吾父母若奚謝爲二十七年徙建縣治於

理王村卽今治所也公署學校規畫皆辛所創作云舊志

翟辛江南揚州人監生與利除害惠政及民舊志

郤忠直隸行唐人進士時值歲凶民生子女慮無以育
多棄之忠下令禁止出已俸給生子女者秉性廉明善

於治訟民無冤抑舊志

李經字大經山西陽城人進士成化年任有善政吏民

愛敬三載擢山西道監察御史百姓挽留不舍後陞河

南副使

舊志

周璣山西忻州人監生宏治元年任文廟城隍廟殿宇

傾頽勸諭修整改正回隆驛館夫仍應鄴城驛民稱頌

焉

舊志

吉應召陝西人監生清白有聲

府志

景芳山東定陶舉人時漳水泛漲壞民田居申請發粟

賑濟不足又出己資二千餘兩給之民賴全活又於縣

西南築隄防患人稱景公隄里民陳恕母告不孝芳不

加責治惟陳人倫孝行恕大感悟至鬻子女以供母芳

又捐俸以贖不令分離邑爲之感化遷知州舊志

甯河字伯東山西稷山人進士正德四年以戶部主事

左遷臨漳嚴猛爲治善鋤奸惡遷知州府志

張寶山西孟縣人進士嘉靖年任爲官剛直作興學校

舊志

何瑚江南廬江人監生剛正嚴明勤慎清儉蘇息里甲

作興學校民臻富庶邑中歌之曰何青天真父母雞犬

繁民安堵六年考最監司考語曰文章政事中州第一

擢廣西道監察御史舊志

袁文貴廣西桂林舉人廉明通敏嚴以御下弊除訟省

吏無敢欺縱者

舊志

楊秉和雲南昆明舉人政平德和百姓安業陞眉州守

府志

吳思敬山東德州衛人進士政嚴吏畏陞都察院都事

府志

路王道山西屯留人進士秉性方正人不敢干以私修
文廟置祭器立射圃增學田建二賢大夫祠皆其遺績

也

舊志

白世徵廣西桂林舉人嚴明精勤吏畏民安陞潮州同

知府

志

潘子雨山東濟南舉人以德為政不事鞭撻編審不避

強禦陞歸德府判民制二旗以旌其德曰三年甘雨一

路清風為立去思碑

舊志

王良佑山東壽光舉人萬厯中任政體通達果敢有為

不事逢迎不作苛刻陞通判民立生祠

舊志

王价濬縣人貢生操行滄潔問學充裕勤於訓士士類

推服陞學正

府志

鄭懋洵閩縣舉人學問淹博嘗修精忠錄卽趨向可知

矣

府志

袁應泰陝西鳳翔人進士自莅任以來不取羨餘不用車戶不赴私宴不受私禮朝覲不用常例民稱之後經

畧關東節傳奕世

舊志

按一統志云築長隄四十餘里捍禦漳水

府志

常澄陝西蒲城人進士不受饋遺不事私交革供應以省民財敦教化以勵學校清廉正直惠愛無私後陞吏部主事士民謳思爲立生祠去思碑

舊志

徐逢聘山東蓬萊人進士襟懷灑落政事平恕內陞主

事

與袁並祠
舊志

田應召北直涿州舉人時漳城久湮申請修葺縣與磁
接壤界內之田多為磁民侵佔力為請復民卽其地以

立生祠

舊志

趙友琴直隸涿州舉人平恕廉靜以誠待民有爭訟者
導以禮讓人咸感悔政刑清簡重修縣志有遺文載於

藝文

舊志

張爾忠山東濰縣人進士崇禎五年任為治嚴明士民

不敢犯創建外城修武庫備火藥器械境內安堵至今

藉保障云歷陞至都御史

舊志

夏衍虞四川江津舉人廉慎有為釐革弊政凡所規畫皆可經久至於甃砌外城雉堞鞏固尤為有功於地方

者

舊志

衛之瑄陝西韓城舉人文章經濟迴出等倫時漳邑乏科之瑄作興文社親為課之人才蔚起科目皆出其門崇禎十三年土寇田儒倡亂帥兵勦殺賊遂平陞分巡

大梁道

舊志

國朝

王象天

萬廷仕

鮑之汾

任振鷺

孔興運

王維斗

董允霖

李 醅

王箴輿

許 正

武夢立

陳大玠

李宜芳

王允楚

王 果

姚東之

賴福邦

孫厚均

駱文光

王象天陝西富平人進士順治四年任歷六載蝗水疊

災屢請蠲賦救民時磁州驛站移累漳邑歷詳偏苦欲

歸還之未允後內陞太僕丞復請大部上疏請照舊例

解銀免役民得除永害建祠肖像於石及視學湖廣過

邯鄲漳民扳轅鄴下父老兒童塞道日行里許象天下

車撫兒背曰汝乃識我耶歡聲徹於郊外一時傳為盛

事舊志並見一統志

萬廷仕江南宜興人拔貢通敏有吏才每晨興視事訟

牘盈几頃刻而決請協辦磁州牽累之差歸還驛站終

成王前令之美民感其惠

舊志一統志併載王象天傳

鮑之汾浙江餘杭人歲貢康熙五年任重修學宮爲民

詳豁水衝沙壓地畝民德之

舊志

任振鷺山西聞喜人貢生重修啟聖閣沿城植柳綠陰

庇人陞邠州知州

府志

孔興連山東曲阜舉人廉敏有政聲公私不擾吏畏其

威民懷其惠陞山西霍州知州民赴省保留者數千人

去之日攀轅泣送絡繹不絕士民立生祠志遺愛焉府志

王維斗福建德化舉人為政寬裕敏裁決邑歲輸漕米

萬餘石時奉文倍數運穀輦車維斗就其地采買省民

財力民皆歡悅尤愛獎引士類一時俊髦多出其門舊志

董允霖浙江鄞縣人拔貢新建常平倉養濟院修葺儒

學殿廡門垣泮池置城隍廟贍地及新柳五百株後奉

行取城南辛店賀家砦有生祠府志

李醕商邱人拔貢康熙五十一年任博學能文府志

王箴輿字孟亭江南寶應人進士南方名宿也雍正二

年任調澠池洛陽二縣八年陞陳州知州九年陞歸德

府知府十一年調衛輝府所在著治績有芳譽府志

許正商邱人副榜雍正二年任學問博洽詩文擅長府志

武夢立蘭陽人歲貢雍正五年任實心訓士勤於考課

舊志

陳大玠福建晉江人五經進士居官仁明勤慎嚴絕苞

苴遇漳水泛漲壞民居沿村給錢修整按地畝給麥種

詳請發倉儲萬餘石散賑邑西南地窪水聚開渠十二

注諸河勸民墾河灘助以牛種制軍王公士俊稱之曰

民歌令德幾於掩西門軼史公矣漁洋搭橋悉捐已資
除前派累諸弊設義學於南關建書院於治東朔望具
酒殺親課諸生誘獎諂摯每賓興各贈場費入闈者十
倍於前賦鹿鳴者聯翩接踵云著有古鄴課藝凡四集

行世

府志

李宜芳山東諸城人進士詳免漕米豆四千餘石請豁
租課地二百頃賠糧河灘地四十三頃革一切陋規不
以累民築壩栽樹興學勸農美政甚多不能殫述

府志

王允楚山東新城人進士嘉慶間三莅事博學有善政

臣海鼎元
卷之一
先是河邊有隄禦水旱無可灌溉潦無所宣洩民厭苦
之久亦傾頽及是大吏查河議修復乃取衡漳考上之
力請乃免民德焉

王果字六泉四川內江人進士嚴而不苟俗多游手好
鬪鶉飼促織命械其指泣言知悔乃免時議沿河築隄
力請於上事終寢又令互相邏察盜以戢豐樂鎮草橋
屢被燬密緝之得火者投河中患乃絕愛獎掖士類月
課常數百人高才生遠莫至時以騎招之文風一振
姚柬之字伯山安徽桐城人進士爲政平恕倡修關廟

時上憲復有堵河築隄之議請益力卒得免愛獎掖士
類人文一振勤案牘連保甲境內靜謐

賴福邦字子弼陝西西鄉人道光十年莅臨漳性慈孝
每聽訟母居屏後有刑責聞母叩扉卽止四月時地震
爲災裂隙寬者丈有咫水盈罅堵壓死傷萬計闔閭塌
井眚側不可汲倉庫公署僅有存驚甫定忽傳有盜賊
刦掠猛獸食人此雖虛驚足落人膽繼以大雹爲災紛
然如亂絲手莫措也當造次之際經畫裕如傷者醫死
者葬修圮勘災一一撫慰請撥帑散賑三萬九千餘兩

民沾實惠無浮無濫被雹村莊悉得蠲賦震災者亦緩徵雖

皇仁然非籲請之力不及此

孫厚均字薇卿江蘇金匱人咸豐時爲邑令先是邑中催科委之里長浮苛鯨蠹父子相承世其利壑而官弗知也卽知之莫如何葉正則謂官無封建吏胥有封建誠然甚病之乃區四路路設督催二以專責路分各莊莊設總催按保之大小或一或二使自相連率如臂指然事遂不勞而理又練民團聯保甲嚴治盜賊橋王不

假胥役民德之爲立碑頌功

駱文光字子木直隸清苑人祖籍浙江山陰同治六年
宰臨漳時髮捻猖獗所過屠城喋血無完者邑城圯械
竄未可徒手搏也歲比不登師旅饑饉萃一時值甫下
車又無蓋藏思安輯而捍衛之乃督勸以誠欸日集以
工代賑一舉三善不期年而城成置器械籌防守甫竣
逆首張總愚北犯圍數日文光登陴督衆禦守衆感奮
願效死攻益急守愈固凡兩晝夜日盡腫賊知不可下
解去初漳河徙無常沖決沙壓好事者設澗流局斂民

臨海縣志 卷之四
錢瓜分病國病民裁撤之常平倉大虛捐廉爲倡後積
聚得萬餘石光緒二三年荒賴以濟又修漳河神廟二
大夫祠創建考棚增酌書院膏獎以作士氣編保甲嚴
緝捕盜賊屏迹惟豐樂鎮橋工累民卒不得請以爲憾
興利除害無隱不燭凡所擘畫皆久遠計任事四年欲
修邑乘未成調武陟後解組歸去旣久民不能忘稟准

設長生祿位於書院以誌景慕

以上
新增

臨漳縣志卷之八

列傳二 名臣 忠節

名臣傳

漢

霍 諝

霍諝字叔智魏郡鄴人也少爲諸生明經有人誣諝舅
宋光於大將軍梁商者以爲妄刊章文坐繫洛陽詔獄
掠考困極諝時年十五奏記於商曰將軍天覆厚恩愍
舅光寃結前者溫敎許爲平議雖未下吏斷決其事已
蒙神明顧省之聽皇天后土實聞德音竊獨踴躍私自

慶幸謂聞春秋之義原情定過赦事誅意故許止雖弑君而不罪趙盾以縱賊而見書此仲尼所以垂王法漢世所宜遵前脩也傳曰人心不同譬若其面斯蓋謂大小竄隆醜美之形至於鼻目衆竅毛髮之狀未有不然者也情之異者剛柔舒急倨敬之間至於趨利避害畏死樂生亦復均也謂與光骨肉義有相隱言其冤濫未必可諒且以人情平論其理光衣冠子孫徑路平易位極州郡日望徵辟亦無瑕穢纖介之累無故判定詔書欲以何名就有所疑當求其便安豈有觸冒死禍以解

細微譬猶療飢於附子止渴於酖毒未入腸胃已絕咽喉豈可爲哉昔東海孝婦見枉不辜幽靈感革天應枯早光之所坐情旣可原守闕連年而終不見理呼嗟紫宮之門泣血兩觀之下傷和致災爲害滋甚凡事更赦令不應復案夫以罪刑明白尙蒙天恩豈有寃謗無徵反不得理是爲刑宥正罪戮加誣侵也不偏不黨其若是乎明將軍德盛位尊人臣無二言行動天地舉厝移陰陽誠能留神沛然曉察必有于公高門之福和氣立應天下幸甚商高諳才志卽爲奏原光寃由是顯名仕

郡舉孝廉稍遷金城太守性明達篤厚能以恩信化誘殊俗甚為羌胡所敬服遭母憂自上歸行喪服闋公車徵再遷北海相入為尙書僕射是時大將軍梁冀貴戚秉權自公卿以下莫敢違牾諂諂與尙書令尹勳數奏其事又因陛見陳聞罪失及冀誅後桓帝嘉其忠節封鄴都亭侯前後固讓不許出為河南尹遷司隸校尉轉少府廷尉卒官子雋安定太守

後漢書本傳

北朝 孔昭 孔伯恭 陸希道 陸希質 陸龍 魏 成 陸 雋 陸子彰 杜 超 杜 遺

孔昭魏郡鄴人也始光中以密皇后親賜爵汝陰侯加

安東將軍徙爵魏縣侯遷安南將軍昭性柔曠有才用
出爲趙郡太守治有能名徵拜光祿大夫轉中都大官
善察獄訟明於政刑遷侍中鎮東將軍幽州刺史進爵
魯郡公和平二年卒謚曰康子羅漢伯遜伯恭

節魏書
孔伯恭

傳新
增

孔伯恭魏郡鄴人也以父昭任拜給事中後賜爵濟陽
男加鷹揚將軍出爲安南將軍濟州刺史進爵成陽公
入爲散騎常侍顯祖初劉彧徐州刺史薛安都以彭城
內附彧遣將張永沈攸之等擊安都安都上表請援顯

祖進伯恭號鎮東將軍副尚書尉元救之軍次于柘賊
將周凱聞伯恭等軍至棄衆遁走張永仍屯下磕永輜
重在武原伯恭等攻而剋之永計無所出引師而退時
皇興元年正月天大寒雪泗水冰合永與攸之棄船而
走伯恭等進擊首虜及凍死甚衆八月伯恭以書喻下
邳宿豫城內曰劉彧肆逆滔天弗鑒靈命猶謂絕而復
興長江可恃敢遣張永周凱等率此蟻衆送死彭城大
軍未臨逆首奔潰今乘機電舉當屠此城遂平吳會弔
民伐罪幸時歸款自求多福時攸之吳禧

北史公等率

衆數萬來援下邳屯軍焦墟曲去下邳五十餘里伯恭遣子都將侯汾等率騎五百在水南奚升等五百餘騎在水北南北邀之伯恭密造火車攻具欲水陸俱進攸之等既聞將戰引軍退保樊階城伯恭又令子都將孫天慶等步騎六千向零中峽斫木斷清水路劉彧宐朔將軍陳顯達領衆二千溯清而上以迎攸之屯于睢清谷口伯恭率衆渡水大破顯達軍俘斬十九攸之聞顯達軍敗順流退下伯恭部分諸將俠清南北尋攸之軍後伯恭從睢陵城東向零中峽分軍爲二道遣司馬范

師子等在清南伯恭從清西與攸之合戰遂大破之斬其將姜產之高遵世及邱幼弼邱隆先沈榮宗陸道景等首攸之禧公等輕騎遁走乘勝追奔八十餘里軍資器械虜獲萬計進攻宿豫劉彧戍將魯僧遵棄城夜遁又遣將孔太恒等領募騎一千南討淮陽彧太守崔武仲焚城南走遂據淮陽二年以伯恭爲散騎常侍都督徐南兗州諸軍事鎮東將軍彭城鎮將東海公三年十月卒贈鎮東大將軍東海王謚曰桓

魏書本傳新增

陸希道字洪度有風貌美鬚髯歷覽經史頗有文致初

拜中散遷通直郎坐父事徙於遼西於後得還從征自
効以軍功拜給事中遷司徒記室司空主簿征南將軍
元英攻蕭衍司州以希道爲副及克義陽以功賜爵淮
陽男拜諫議大夫以學關今古參議新令轉廷尉少卿

加龍驤將軍南青州刺史以本將軍轉梁州刺史希道
頻表辭免又除東夏州刺史不拜轉北中郎將遷前將
軍鄴州刺史希道善於馭邊甚有威略轉平西將軍涇
州刺史正光四年卒官贈撫軍將軍定州刺史希道有

六子士懋士宗士術士沈士廉士佩

魏書本
傳新增

陸希質字幼成起家員外郎領侍御史稍遷散騎侍郎
陽城太守孝莊初除龍驤將軍膠州刺史蕭衍遣將率
衆數萬從郁洲浮海據島來侵州界希質討破之轉建
州刺史將軍如故爾朱榮之死也世隆率衆北還晉陽
希質固守拒之城陷兄子被害希質妻元氏榮妻之兄
孫由是獲免天平初給事黃門侍郎還魏尹轉太常卿
衛大將軍都官尙書武定七年夏卒年五十八贈驃騎
大將軍中書監青州刺史諡曰文

節魏書本
傳新增

陸龍成有父兄之風少以功臣子爲中散稍遷散騎常

侍賜爵永安子加平遠將軍出爲安南將軍青州刺史

假樂安公愛民恤下百姓稱之魏書本傳新增

陸雋高宗世歷侍中給事顯祖初侍御長以謀誅乙渾

拜侍中樂部尙書遷散騎常侍吏部尙書賜爵安樂公

甚見委任尋拜尙書令後除安東將軍定州刺史轉征

東大將軍相州刺史政尙寬惠民吏安定卒諡貞公魏書

本傳
新增

陸子彰字明遠本名士沉年十六出後事公主盡禮丞

相高陽王雍嘗言曰常山妹雖無男以子彰爲兒乃過

自生矣正光中襲爵東郡公尋除散騎侍郎拜山陽太守莊帝卽位徵拜給事黃門侍郎子彰妻卽咸陽王禧女禧誅養於彭城王第莊帝親之略同諸姊建義初爾朱榮欲修舊事庶姓封王由是封子彰濮陽王食邑七百戶尋而詔罷仍復先爵除安西將軍洛州刺史還拜征東將軍金紫光祿大夫領廣平王贊開府諮議參軍事天平中拜衛將軍潁州刺史以母憂去職元象中以本將軍除齊州刺史又加驃騎將軍行懷州事轉北豫州刺史仍除徐州刺史將軍竝如故一年厯三州當世

榮之還朝除衛大將軍右光祿大夫又行瀛州事尋拜
侍中復行滄州事進號驃騎大將軍行冀州事除侍讀
兼七兵尚書行青州事子彰之爲州以聚斂爲事晚節

修改自行青冀滄瀛甚有時譽加以虛己納物人敬愛
之武定八年二月除中書監三月卒年五十四賻帛一

百疋追贈都督青光齊三州諸軍事驃騎大將軍開府
儀同三司青州刺史公如故諡曰文宣子彰崇好道術
曾嬰重疾藥中須桑螵蛸子彰不忍害物遂不服焉其

仁恕如此教訓六子雅有法度

魏書本
傳新增

杜超字祖仁魏郡鄴人密皇后之兄也少有節操太常中爲相州別駕始光中太武思念舅氏以超爲陽平公尙南安長公主拜駙馬都尉位大鴻臚卿車駕幸其第賞賜巨萬神廡三年以超行征南大將軍太宰進爵爲王鎮鄴追加超父豹鎮東大將軍陽平景王母曰鉅鹿惠君真君五年超爲帳下所害太武臨其喪哀慟者久之諡曰威王

節北史本傳新增

杜遺超從弟侍中安南將軍開府相州刺史入爲內都大官進爵廣平王遺性忠厚頻歷州郡所在著稱薨贈

太傅諡曰宣王

節據史記
趙傳新增

唐 傅

奕

源 乾 曜

源

洵

盧從愿

傅奕相州鄴人隋開皇中以儀曹事漢王諒諒反問奕
今茲熒惑入井果若何對曰東井黃道所由熒惑之舍
烏足怪邪若入地上井乃為災諒怒俄及敗奕以對免
徙扶風高祖為扶風太守禮之及即位拜太史丞會令
庾儉以父質占侯忤煬帝死懲其事恥以術宦薦奕自
代奕遷令與儉同列數排毀之儉不為恨於是人多儉
仁罪奕遽且忿時國制草具多仍隋舊奕謂承亂世之

後當有變更乃上言龍紀火官皇帝廢之咸池六英堯
不相沿禹弗行舜政周弗襲湯禮易稱己日乃乎革而
信也故曰革之時大矣哉有隋之季違天害民專峻刑
法殺戮賢俊天下兆庶同心叛之陛下撥亂反正而官
名律令一用隋舊且懲沸羹者吹冷壘傷弓之鳥驚曲
木況天下久苦隋暴安得不新其耳目哉改正朔易服
色變律令革官名功極作樂治終制禮使民知盛德之
隆此其時也然官貴簡約夏后官百不如虞氏五十周
三百不如商之百又曰夏有亂政而作禹刑商有亂政

而作湯刑周有亂政而作九刑衛鞅爲秦制法增鑿顛
抽脅鑊烹等六篇始皇爲挾書律此失於煩不可不監
是時太僕卿張道源建言官曹文簿繁總易欺請減之
以鈐吏姦公卿舉不爲然奕獨是之爲衆沮訛不得行
武德七年上疏極詆浮圖法曰西域之法無君臣父子
以三塗六道嚇愚欺庸追既往之罪窺將來之福至有
身陷惡逆獄中禮佛口誦梵言以圖偷免且生死壽夭
本諸自然刑德威福繫之人主今其徒矯託皆云由佛
攘天理竊主權書曰惟辟作福惟辟作威惟辟玉食臣

有作福作威玉食害于而家凶于而國五帝三王未有
佛法君明臣忠年祚長久至漢明帝始立胡祠然惟西
域桑門自傳其教西晉以上不許中國髡髮事胡至石
苻亂華乃弛厥禁主庸臣佞政虐祚短事佛致然梁武
齊襄尤足爲戒昔褒姒一女營惑幽王能亡其國況今
僧尼十萬刻繪泥像以惑天下有不亡乎陛下以十萬
之衆自相夫婦十年滋產十年教訓兵農兩足利可勝
旣邪昔高齊章仇子他言僧尼塔廟外見毀宰臣內見
疾妃嬙陽讒陰謗卒死都市周武帝入齊封寵其墓臣

竊賢之又上十二論言益痛切帝下奕議有司唯道源
佐其請中書令蕭瑀曰佛聖人也非聖人者無法請誅
之奕曰禮始事親終事君而佛逃父出家以匹夫抗天
子以繼體悖所親瑀非出空桑乃尊其言蓋所謂非孝
者無親瑀不答但合爪曰地獄正爲是人設矣帝善奕
對未及行會傳位止初九年太白躔秦分奕奏秦王當
有天下帝以奏付王及太宗卽位召賜食謂曰向所奏
幾敗我雖然自今毋有所諱而不盡言又嘗問卿拒佛
法柰何奕曰佛西胡黠人爾欺誑夷狄以自神至人中

國而熾兒幻夫摸象莊老以文飾之有害國家而無補

百姓也帝異之貞觀十三年卒年八十五奕病未嘗問

醫忽酣卧蹶然悟曰吾死矣乎即自誌曰傅奕青山白

雲人也以醉死嗚呼遺言戒子六經名教言若可習也

妖胡之法慎勿為吾死當俛葬奕雖善數然嘗自言其

學不可以傳又注老子并集晉魏以來與佛議駁者為

高識篇武德時所改漏刻定十二軍號皆詔奕云

唐書本傳

新
增

源乾曜相州臨漳人隋比部侍郎師之孫也父直心高

宗時爲司刑太常伯坐事配流嶺南而卒乾曜舉進士
景雲中累遷諫議大夫時久廢公卿百官三九射禮乾
曜上疏曰夫聖王之教天下也必制禮以正人情人情
正則孝於家忠於國此道不替所以理也所以君子三
年不爲禮禮必壞三年不爲樂樂必崩竊以古之擇士
先觀射禮以明和容之義非取一時之樂夫射者別正
邪觀德行中祭祀辟寇戎古先哲王莫不遞襲臣竊見
數年已來射禮便廢或緣所司惜費遂令大射有虧臣
愚以爲所費者財所全者禮故孔子云爾愛其羊我愛

其禮今乾坤再闢日月貞明臣望大射之儀春秋不廢
聖人之教今古常行則天下幸甚乾曜尋出爲梁州都
督開元初邠王府寮吏有犯法者上令左右求堪爲王
府長史者太常卿姜皎薦乾曜公清有吏幹因召見與
語乾曜神氣清爽對答皆有倫序上甚悅之乃拜少府
少監兼邠王府長史尋遷戶部侍郎兼御史中丞無幾
轉尙書左丞四年冬擢拜黃門侍郎同紫微黃門平章
事旬日與姚元之俱罷知政事時行幸東都以乾曜爲
京兆尹仍京師留守乾曜政存寬簡不嚴而理嘗有仗

內白鷹因縱遂失所在上令京兆切捕之俄於野外獲之其鷹掛於叢棘而死官吏懼得罪相顧失色乾曜徐曰事有邂逅死亦常理主上仁明當不以此寘罪必其獲戾吾自當之不須懼也遂入自請失旨之罪上一切不問之衆咸伏乾曜臨事不懼而能引過在己也在京兆三年政令如一八年春復爲黃門侍郎同中書門下三品尋加銀青光祿大夫遷侍中久之上疏曰臣竊見形要之家併求京職俊乂之士多任外官王道平分不合如此臣三男俱是京任望出二人與外官以叶均平

之道上從之於是改其子河南府參軍弼爲絳州司功
太祝絜爲鄭尉因下制曰源弼等父在樞近深惟謙挹
恐代官之咸列慮時才之未序幸先庶寮崇是讓德旣
請外其職復降資以授傳不云乎晉范宣子讓其下皆
讓晉國之人於是大和道之或行仁豈云遠因令文武
百寮父子兄弟三人併任京司者任自通容依資次處
分由是公卿子弟京官出外者百餘人俄又有上書者
以爲國之執政同其休戚若不稍加崇寵何以責其盡
心十年十一月勅中書門下共食實封三百戶自乾曜

及張嘉貞始也乾曜後扈從東封拜尙書左丞相仍兼侍中乾曜在政事十年時張嘉貞張說相次爲中書令乾曜不敢與之爭權每事皆推讓之及李元紘杜暹知政事乾曜遂無所參議但唯諾署名而已初乾曜因姜皎所薦遂擢用及皎得罪爲張嘉貞所擠乾曜竟不救之議者以此譏焉十七年夏停兼侍中事其秋遷太子少師以祖名師固辭乃拜太子少傅封安陽郡公十九年駕幸東都乾曜以年老辭疾不堪扈從因留京養疾是年冬卒詔贈幽州大都督上於洛城南門舉哀輟朝

二日 唐書本
傳新增

源洧光裕子亦早有美稱閨門雍睦士友推之歷踐清

要天寶中為給事申鄭州刺史襄州刺史本道采訪使

及安祿山反既犯東京乃以洧為江陵郡大都督府長

史本道采訪防禦使攝御史中丞以兵部郎中徐浩為

襄州刺史本州防禦守捉使以禦之洧至鎮卒 節唐書
乾曜傳

新
增

盧從愿相州臨漳人後魏度支尚書昶六代孫也自范

陽徙家焉世為山東著姓弱冠明經舉授絳州夏縣尉

又應制舉拜右拾遺俄遷右肅政監察御史充山南道
黜陟巡撫使奉使稱旨拜殿中侍御史累遷中書舍人
睿宗踐祚拜吏部侍郎中宗之後選司頗失綱紀從愿
精心條理大稱平允其有冒名偽選及虛增功狀之類
皆能摘發其事典選六年前後無及之者上嘉之特與
一子太子通事舍人從愿上疏乞迴恩贈父乃贈其父
吉陽丞敬一爲鄭州長史初高宗時裴行儉馬載爲吏
部最爲稱職及是從愿與李朝隱同時典選亦有美譽
時人稱曰吏部前有馬裴後有盧李開元四年上畫名

新授縣令一時於殿庭策試考入下第者一切放歸學

問從愿以注擬非才左遷豫州刺史爲政嚴簡按察使

奏課爲天下第一等重書勞問賜絹百匹無幾入爲工

部侍郎轉尙書左丞又與楊滔及吏部侍郎裴灌禮部

侍郎王邱中書舍人劉合植刪定開元後格遷中書侍

郎十一年拜工部尙書加銀青光祿大夫仍令東都留

守十三年從升泰山又加金紫光祿大夫代韋抗爲刑

部尙書頻年充校京外官考使前後咸稱允當御史中

丞宇文融承恩用事以括獲田戶之功本司校考爲上

下從愿抑不與之融頗以爲憾密奏從愿廣占良田至
有百餘頃其後上嘗擇堪爲宰相者或薦從愿上曰從
愿廣占田園是不廉也遂止不用從愿又因早朝途中
爲人所射中其從者捕賊竟不獲時議從愿久在選司
爲被抑者所讎十六年東都留守時坐子起居郎論糶
米入官有剩利爲憲司所糺出爲絳州刺史再遷太子
賓客二十年河北穀貴勅從愿爲宣撫處置使開倉以
救饑餒使迴以年老抗表乞骸骨乃拜吏部尙書聽致
仕給全祿二十五年卒年七十餘贈益州大都督諡曰

文舊唐書本
傳新增

宋金 鄺瓊

鄺瓊字國寶相州臨漳人補州學生宋宣和間盜賊起瓊乃更學擊刺挽強試弓馬隸宗澤軍駐於磁州未幾告歸括集義軍七百人復從澤澤署瓊爲七百人長澤死調戍滑州時宗望伐宋將渡河戍軍亂殺其統制趙世彥而推瓊爲主瓊因誘衆號爲勤王行且收兵比渡淮有衆萬餘康王以爲楚州安撫使淮南東路兵馬鈐鑄累遷武泰軍承宣使未幾率所領步騎十餘萬附於

齊授靜難軍節度使知拱州齊國廢以爲博州防禦使
用廉遷驃騎上將軍宗弼復河南以瓊爲山東路弩手
千戶知亳州事丁母憂去官宗弼再伐江南以瓊素知
南方山川險易召至軍與計事從容語同列曰瓊嘗從
大軍南伐每見元帥國王親臨陣督戰矢石交集而王
免胄指麾三軍意氣自若用兵制勝皆與孫吳合可謂
命世雄材矣至於親冒鋒鏑進不避難將士視之孰敢
愛死乎宜其所向無前日闢國千里也江南諸帥才能
不及中人每當出兵必身居數百里外謂之持重或督

名軍旅易置將校僅以一介之士特虛文諭之謂之調
發制敵決勝委之偏裨是以智者解體患者喪師幸一
小捷則露布飛馳增加俘級以爲己功斂怨將士縱或
親臨亦必先遁而又國政不綱纔有微功已加厚賞或
有大罪乃置而不誅不卽覆亡已爲天幸何能振起耶
衆以爲確論元帥謂宗弼也及宗弼問瓊以江南成敗
誰敢相拒者瓊曰江南軍勢怯弱皆敗亡之餘又無良
帥何以禦我頗聞秦檜當國用事檜老儒所謂亡國之
大夫兢兢自守惟顛覆是懼吾以大軍臨之彼之君臣

方且心破膽裂將哀鳴不暇蓋傷弓之鳥可以虛弦下也既而江南果稱臣宗弼喜瓊爲知言初瓊去毫未幾宋兵陷之而不守復棄去乃以州人宋超守之及大軍至超復以州事委其鈐鎡衛經而遁去帥府使人招經經不下及城潰百姓惶懼待命瓊請於元帥曰城所不下者凶豎劫之也民何罪願慰安之元帥以瓊先嘗守毫因止戮經而釋其州人復命瓊守毫凡六年毫人德之遷武寧軍節度使八年爲泰寧軍節度使九年遷歸德尹貞元元年加金紫光祿大夫卒於官年五十

金史本傳

新
增

明 任禮 石璞 李秦

任禮字尙義臨漳人以燕山衛卒從成祖起兵積功至
山東都指揮使永樂二十年擢都督僉事從北征前行
偵敵還受厚賞仁宗卽位命掌廣西都司事尋改遼東
宣宗立進都指揮同知從平樂安又從征兀良哈還爲
後拒英宗立進左都督正統元年佩平羌將軍印充左
副總兵鎮甘肅阿台朵兒只伯數犯肅州璽書譙讓二
年復寇莊浪都指揮魏榮擊卻之禽朵兒只伯姪把禿

李羅禮以聞三年與王驥蔣貴出塞敗朵兒只伯於石
城復分道至梧桐林亦集乃進至黑泉而還斬獲多封
宐遠伯祿千二百石明年還朝又明年代貴鎮甘肅八
年赤斤蒙古衛都督且旺失加苦也先暴橫欲移駐也
洛卜刺禮以其地近肅州執不許已奏請建寺於其地
禮復言許其建寺彼必移居遺後患事竟寢時邊將家
僮墾塞上田者每頃輸糧十二石禮連請於朝得減四
石是時邊塞無警禮與巡撫曹翼屯田積粟繕甲訓兵
邊備甚固十一年沙州衛都督喃哥兄弟爭部衆離貳

禮欲乘其饑窘遷之內地會喃哥亦請居肅州境內禮
因遣都指揮毛哈刺往撫其衆而親帥兵繼其後比至
喃哥復持兩端其部下欲奔瓦刺禮進兵逼之遂收其
全部千二百餘人以還事聞賜賚甚厚時瓦刺也先方
盛封喃哥弟鎖南奔爲祁王禮以二寇合則勢益難制
遣人招之鎖南奔欲從未決禮潛師直抵罕東繫之以
歸帝大喜賜禮鐵券令世襲十四年也先分道入寇抵
肅州禮遣裨將禦之再戰再敗失士馬萬計徵還以伯
就第景泰初提督三千營以老致仕久之復起守備南

京入掌中府禮自起卒伍至大將恪謹奉法成化初卒
贈侯諡僖武子壽嗣總兵鎮陝西坐征滿四失律宥死
戍邊子宏子世指揮使

明史本
傳新增

石璞字仲玉臨漳人永樂九年舉於鄉入國學選授御
史正統初歷任江西按察使三年坐逸囚降副使璞善
斷疑獄民娶婦三日歸盜失之婦翁訟婿殺女誣服論
死璞禱於神夢神示以麥字璞曰麥者兩人夾一人也
比明械囚趣行刑未出一童子窺門屏間捕入則道士
徒也叱曰爾師令爾偵事乎童子首實果二道士匿婦

稿麥中立捕論如法在江西數年風紀整肅雖婦豎無不知石憲使者七年遷山西布政使明年以朝廷歲用物料有司科派擾民請於折糧銀內歲存千兩令官買辦庶官用可完民亦不擾從之工部尙書王蚤以不能屈意王振十三年致仕去璞爲振所善遂召爲尙書明年處州賊葉宗留作亂總兵官徐恭等往討以璞參其軍事師未至宗留已爲其黨陳鑑胡所殺巡撫張驥招降鑑胡賊勢稍息璞等還遛無功爲御史張洪等所劾詔俟師旋以聞已而景帝嗣位召還論功兼大理寺卿

尋出募天下義勇還朝會中官金英下獄法司劾璞嘗
賂英遂并下璞獄當斬特宥之出理大同軍餉敵犯馬
營命提督宣府軍務至則寇已退還理部事加太子太
保給二俸河決沙灣命治之璞以決口未易塞別濬渠
自黑洋山至徐州以通漕艘而決口如故乃命內官黎
賢等偕御史彭誼助之於沙灣築石隄以禦決河開月
河二引水益運河以殺水勢決乃塞璞還言京師盜賊
多出軍伍間有獲者輒云糧餉虧減妻孥饑凍故又聞
爾畿山東河南被災窮民多事剽掠不及今拊循恐方

來之憂甚於邊患口外守軍夜行晝伏艱苦萬狀今邊疆未靖宜增餉以作士氣乃反減其月糧此實啟盜悞國之端非節財足用之術帝深納其言沙灣復決璞再往治之以母憂歸起復六年改兵部尙書與于謙協理部事明年湖廣苗亂命璞總督軍務與南和伯方瑛討之天順元年以捷聞召還命致仕既而論功賜鈔幣四年冬用李賢薦召爲南京左都御史時璞已老瞶不能任事七年爲錦衣衛指揮僉事門達所劾罷歸卒

明史本傳

新
增

府志所載乃湯文正公史稿今按明史本傳與湯
稿事實各有詳略河決沙灣以上與正史同處州
盜起以下皆正史所略節錄於左庶公之嘉言懿
行有所參考焉

正統己巳處州盜起命璞討平之景泰辛未也先寇
獨石命璞兼大理寺卿往璞充餉勒兵修垣守險康
定帝賜璽書曰爾忠勤善謀素爲邊人信故爾命事
平進太子太保改兵部尙書丙子湖廣猫叛民李珍
魏元沖往爲用道之寇掠作讖文湖湘訛言騰民用

臣海峽示 卷之六
大擾又命璞往璞以計生得珍元冲檻送京師猶平
還治部事數年致仕天順庚辰英皇謂大學士李賢
曰石璞純臣也聞其尙健然貧爲我以璽書召來璞
至京上召見文華殿璞服青袍繫角帶入上曰吾賜
爾緋玉敝乎璞叩頭曰臣平生以孤忠奮無結納今
臣自分填溝壑矣詔至臣自知無他途必臣有罪當
誅譴耳上悅是時璞微賸乃命掌南京都察院事成
化初致仕歸五年卒後渠子曰銑正德初奉旨充孝
皇實錄參對官見國史載石公功今求諸其家無有

也長老道公數事載之足見其素概向在山西其夫
人與諸僚妻燕歸愠曰彼多金珠綺采吾布裙襖甚
不稱布政妻也石公曰爾何坐曰席首石公曰使吾
墨干憲汝安得居此座且吾素不以妻子故宦彼金
珠綺采者後欲居汝席得乎明年其夫果有以墨罷
者石公自司馬歸彰德無宅第假太僕行署居後竟
不能治第有司令其家納金以行署長歸之子少聞
城西孫平村高平渠南有石尙書別業己卯春始過
焉傍岸作屋三楹庠甚且閭屋左茅舍垣內僅一畝

予訊其老僕屋卽公居蓋瓦則易之屢矣公歸買田
僅百畝其孫貧四十畝售朱氏安陽某自典史歸石
公許往其家盛治具几上陳銀卣前列金盃十餘公
見之問曰爾宦幾年曰未一考也曰胡歸乎曰刁民
誣吾貪奪職石公曰使吾治爾爾焉能還鄉里哉拂

衣出

節湯稿

李秦字仲西臨漳人生而穎異嘉靖十三年舉於鄉次
年登進士改庶吉士授刑科給事中尋轉吏科條陳時
政六事上嘉納之著爲令陞禮科都給事中時嚴嵩任

禮部尙書新有寵子世蕃頗放縱納賂秦抗疏劾之嵩
惶懼訢辨疏雖留中不報而秦聲望大著後竟遭中傷
調倅大名嵩屢因考察欲罷秦奪於公論不果秦在郡
聽斷明允屢白疑獄有濬民屈際者素虐其妻妻逃去
妻父訟際毆死沉屍於河指際讐僕證其事際誣服獄
成數歲秦閱案疑之密訪於五橋堡民家獲際妻際得
釋歲饑上官委秦施賑旬日徧歷十一邑給散有法全
活甚衆郡守載之守魏錄永爲荒政式陞鳳陽同知父
喪去任服除陞戶部郎中尋丁母喪服除補武選郎中

陞通政司右參議遷左通政自嚴嵩專政淹滯外內二十餘年後竟爲其黨所排歸結廬涇上名曰知止時與朋舊吟咏灌蔬種芋此外無所事也年七十

府志

忠節傳

明

溫于 任瑄
陳治邦 任承寵

溫于邑之景隆村人嘉靖中與磁州王邦植等十人約

為昆季同禦賊盡節遂叢葬於磁號十人塚

采訪
新增

任瑄宣遠伯禮五世孫累官至湖廣左營參將隨父安

南征因伏奇兵使誘敵甫交鋒賊不能當皆辟易瑄單

騎深入後無繼者力戰死

任氏家乘
采訪新增

陳治邦臨漳人有才畧善騎射天啟甲子武科歷戰功

累官遊擊將軍時中州流寇大亂治邦每戰必勝南有

陳永福亦號名將人稱治邦爲北陳云崇禎十一年擢
密雲左翼參將上名對賜宴給盃盤又賜大旗御書敢
戰之將四字一時榮之十六年河南巡撫王漢重其才
題授協鎮叛將劉超據永城治邦率衆克之賊兵已潰
而王撫中流矢衆無鬪志遂大敗治邦折股被執不屈
而死

舊志

任承寵由武舉襲世指揮授懷遠將軍駐彰德爲趙藩
府侍衛崇禎甲申流寇渡河藩欲回京當事弗許閉四
門謀以藩獻賊弗從與藩謀夜開北門送藩出然後決

戰不勝則固守待援事未濟下獄以土囊排死之世職

遂絕

任氏家乘
采訪新增

國朝

劉國臣

王毓瑩

賀世熙

劉金瑞

郭鵬翮

劉國臣字忠宇臨漳人少有膂力列伍磁營康熙五十

六年隨守備陳丙第出征宜陽所到爭先後遇賊眾眾

思避惟國臣奮然往賊伏肆出遂歿於陣事聞 贈昭

信校尉子祿蔭千總以母老辭不就

府志

王毓瑩盧村人同治七年髮捻北竄以從九品帶團防

守漳河禦賊正月初二日陣亡九年七月二十五日奉

旨卹給雲騎尉世職襲次完時給恩騎尉罔替

賀世熙邑庠生黃家村人同治七年二月三十日帶鄉團在漳河口防堵遇賊奮擊被戕十年五月十七日奉旨卹給予雲騎尉世職

劉金瑞劉家村人千總同治七年二月三十日帶鄉團在邑東鄉扼截遇賊力戰死八年十月二十一日奉

旨卹給雲騎尉世職仍予恩騎尉罔替

以上三人
據縣卷增

郭鵬翮小呼村人以武生與劉金瑞各管帶鄉團於同治七年二月三十日聞髮捻張總愚回竄率領團勇在

縣東鄉扼要防堵遇賊打仗同時陣亡

王萬年大營村人

王秀大營村人

郭其大營村人

靳富林大營村人

馬金聲大營村人

王發財大營村人

艾爾昌大營村人

李明春大營村人

王克讓大營村人

張蘭桂大營村人

關玉林大營村人

魏增林魏家村人

魏蘭桂魏家村人

王聚平前王村人

戴滿場錢家村人

劉玉樹劉家村人

馮存心常家屯人

馮魁元常家屯人

李二短常家屯人

王豐年大碾村人

王蘭伸大碾村人

李金蘆張家柳兒村人

李金停張家柳兒村人

李金保張家柳兒村人

樊五元張家柳兒村人

陳第六張家柳兒村人

李文成王家莊人

王四小王家莊人

陳井小王家莊人

王德純鄧家莊人

王進寶鄧家莊人

王連成鄧家莊人

陳商喜陳家莊人

高十仔木杓劉家村人

孫煥成木杓劉家村人

徐保玉許家村人

李興許家村人

王保成孔家店村人

高明三皇廟村人

馬福白龍廟村人

袁五白龍廟村人

陳雙喜白龍廟村人

薛龍和薛家村人

郭天才郭家堂村人

冀四子冀家莊人

何秋子燒盆屯村人

王伏成燒盆屯村人

鄧 懷崔家村人

鄧 桂崔家村人

王具仔三官廟人

張四仔張家看臺村人

馬條元張村集人

周麥成張村集人

張元和張村集人

宋保張村集人

王克明興王村人

司文學興王村人

胡德郭家村人

耿顯旺孫家小莊人

任天太沙河岸村人

任天成沙河岸村人

任萬魁沙河岸村人

韓和子杜村集人

朱書成蘆村人

王希文古辛屯村人

韓 二古辛屯村人

陳永和段汪村人

王尙元吳井臺村人

劉望棋吳井臺村人

申有才鄧家莊人

申有仁鄧家莊人

許根德孫陶集人

孟 順姚家村人

李元先姚家村人

孟 岐姚家村人

陳 杰尙家村人

王仲文李家村人

王先成李家村人

黃德才孟家村人

黃金釗孟家村人

陳克良陳家村人

王永貞大樓王村人

商夢子大樓王村人

潘清貴潘家村人

孟元喜西孟家村人

王滿倉蔡家村人

董八蔡家村人

郭進才王家莊人

郭牛子王家莊人

王喜年西辛莊人

關九長西辛莊人

關柱西辛莊人

王懷禮西辛莊人

楊自禎西辛莊人

楊鳳林西辛莊人

聶興西辛莊人

聶文學西辛莊人

聶夕光西辛莊人

王金邦西辛莊人

趙義新西辛莊人

以上鄉勇一百名係千總劉金瑞武生郭鵬翮管帶同治七年二月三十日與髮捻打仗俱同時同地陣亡

牛金蘭武生南岡村人與從九品王毓瑩同充練長同治七年正月初二日間髮捻北竄卽同率團勇防守漳河遇賊陣亡

張百祥柴家村人

楊得恒王屯村人

石得林石家村人

郭成鐵爐村人

張九思杜村人

焦全北柴屯村人

馬繼才北柴屯村人

石孝北柴屯村人

牛復蘇北柴屯村人

王良北柴屯村人

郭 武北柴屯村人

白玉璧武童黃家辛莊人

梅生春黃家辛莊人

姜玉成黃家辛莊人

張萬富谷子村人

申喜成馬軍營人

許 平西辛莊人

陳得伏劉廣營村人

梁萬邦鄭家羊羔村人

任 四陳家村人

陳 三陳家村人

馮 良五龍廟村人

陶 大胡家口村人

栗 四胡家口村人

胡 臺胡家口村人

程守仁胡家口村人

高所子彭家廟村人

王七子西南城角人

徐俱新西南城角人

呂方東狄安村人

呂百會東狄安村人

呂鎮清東狄安村人

白秀生東狄安村人

張鴻遠東狄安村人

白鷺臣東狄安村人

楊頭東狄安村人

呂梅東狄安村人

呂會重後狄安村人

白黑子後狄安村人

張二小後狄安村人

李奎北杜村人

孫長壽宋家村人

張九齡賀家村人

宋有賀家村人

劉耀先劉家路口村人

呂福天劉家路口村人

臣海縣志 卷之八
郭其林梁家廟村人

孫煥成梁家廟村人

李大鎖杜村集人

張九凌杜村集人

楊士安杜村集人

郭五子郭家村人

吳希文司家莊人

賈蘭助司家莊人

賈 珍司家莊人

劉成國司家莊人

洪化育司家莊人

商興林香房村人

商金釗香房村人

董友成香房村人

王二香房村人

何浩然教書屯村人

崔好信商家村人

崔占廷商家村人

崔鳳鳴商家村人

商沛洹商家村人

劉二小高家莊人

王大小馬家辛莊人

陳富東後坊表村人

裴學泗東後坊表村人

梁耀東後坊表村人

楊成保東後坊表村人

陳貴東後坊表村人

張 照東後坊表村人

劉致合東後坊表村人

史 富西後坊表村人

楊春長西後坊表村人

楊 峒西坊表村人

李 方西坊表村人

薛春和西坊表村人

史富元西坊表村人

劉孟金王明寨村人

劉大小王明寨村人

李發花王明寨村人

李長家王明寨村人

李 白王明寨村人

秦保明王明寨村人

馬 珍趙壇寨村人

郝會子趙壇寨村人

韓步章趙壇寨村人

郭四小趙壇寨村人

郭回成武學村人

郭黑三北柴屯村人

牛吉慶南崗村人

王鳳鳴南崗村人

牛雙全南崗村人

牛日章南崗村人

張魁南崗村人

栗光先南崗村人

郭彬南崗村人

郭 坤南崗村人

牛萬祿南崗村人

牛 浴南崗村人

郭 林東夾河村人

馬林魁三寵村人

石鳳臺三寵村人

黃保柱三寵村人

安鳳舞三寵村人

安文學三寵村人

劉孟雨張修屯村人

段月慶南東坊村人

郭 三南東坊村人

王長安南東坊村人

李得全南東坊村人

王祥林北頭村人

武萬春楊家舖村人

武二小楊家舖村人

馬萬子崗村集人

申貴方崗村集人

黃煥成崗村集人

黃 春崗村集人

史 魁辛寨村人

史太平辛寨村人

史 五辛寨村人

史福元辛寨村人

史占元辛寨村人

趙尙德北柴屯村人

李 成北柴屯村人

馬 珍辛寨村人

牛 新辛寨村人

馬 富辛寨村人

李 官辛寨村人

焦 行東崗村人

焦 珍東崗村人

焦 二小東崗村人

李 鳳東崗村人

王交成東崗村人

王桂成東崗村人

王六子東崗村人

陳祿東崗村人

王二小東崗村人

劉玉劉家莊人

連珍劉家莊人

王求王耳營村人

劉仁王耳營村人

王道隄上村人

王孟蘭隄上村人

吳九儀隄上村人

胡含章大章集人

黃士和大章集人

以上練勇一百五十名係練長武生牛金蘭從九

品王毓瑩管帶同治七年正月初二日聞髮捻

北竄率領防守漳河遇賊迎擊寡不敵衆同時

同地陣亡

張克儉張家村人

任奉彩潘家村人

呂成宗申家村人

王文大營村人

張榮羊羔村人

王六點大碾村人

李翰垣張家柳兒村人

李白馬家莊人

賈損張村集人

徐鳳祿孫家村人

孫型祖孫家村人

王永貞大樓王村人

王六妮永貞子

趙振趙家村人

洪萬和趙家村人

王國貞蔡家村人

樂興西辛莊人

樂忠西辛莊人

楊自玉西辛莊人

孟讓東狄安村人

王占魁東狄安村人

呂會友後狄安村人

宇邦秀北杜村人

孟尙奶奶廟村人

王安司家莊人

雷鶴郭家莊人

張朋鳴郭家莊人

崔占鼇商家村人

商九吉商家村人

李自立馬家莊人

李芝榮李家莊人

李成東後坊表村人

王開宗南崗村人

王文啟北頭村人

郭春崗村集人

黃文崗村集人

史 蓮 辛寨村人

吳 大臣隄上村人

吳 有德隄上村人

王 金隄上村人

王 月隄上村人

王 國林隄上村人

王 相大章集人

孫 瑞大善村人

王 長才大章集人

武慶元大善村人

張寅成王耳莊人

郝虎臣郝家辛莊人

賈掌櫃山西人

在縣屬章裏村開店

楊瑞章裏村人

翟金城章裏村人

翟鵬飛章裏村人

王良章裏村人

楊顯才章裏村人

閻 立章裏村人

陳 志小平營村人

郭心平北柴屯村人

趙 溫北柴屯村人

郭 上北柴屯村人

郭永貴北柴屯村人

孟月凌黃家辛莊人

黃一魁北柴屯村人

張 寬北柴屯村人

程 允張村集人

楊大小張村集人

以上民人六十五名俱於同治七年正月初二日
各在本村遇賊裹脅不從被殺身死

李二小李家村人存珍子

李 小李家村人正子

董 小孟家村人之純子

郭小子北柴屯村人郭二子

以上民人四名俱在稚年同治七年正月初二日

各在本村遇賊父被裹受傷死

自武生郭鵬翮至郭小子共三百二十一員名俱

據前縣駱詳報清冊補入

郭步衢生員同治元年匪黨張錫珠煽惑餘匪誘脅數萬擾及本境十二月二十三日西竄杜村與從九斬三槐率衆迎擊陣亡同時死者四百五十餘人

呂大貴爲杜村集團長同治元年十二月二十三日東匪竄擾杜村集率衆禦敵陣亡

郭殿元監生郭家寨人同治二年二月二十日擒匪竄

境卒衆禦賊于秤鈎集陣亡

呂雲鵬字萬清千總魁偉豪邁同治元年十二月山左
捻匪竄入邑境團兵拒之杜村集時團長呂大貴敗潰
雲鵬率二百人往援馳入賊陣格斃多賊馬蹶被執賊
愛之慰使降罵曰吾烈士安能從賊誘以偽爵罵如故
賊以矛擬其口曰降我活汝罵益厲賊乃洞其項復鱗
刺其體遂絕越三日家中人尋獲其屍猶一手據地勃
然如叱賊狀

郭鳳臺雙廟村人

李桂林雙廟村人

靳世昌杜村人三槐子

靳世勳杜村人三槐子

以上四名俱於同治元年十二月二十三日在杜

村陣亡

趙漸磐趙家莊人同治元年十二月二十三日東匪竄至扶母奔城中途遇賊罵不屈死

魏二成陳陶村人同治六年寄居陳家村其姊家賊匪猝至提鎗拒賊被殺死

牛太平牛家岡村人同治七年正月初二日同牛裕
與髮捻打仗死

李春華武童郭家小屯人

李武元張家柳村人

朱立功高山寨村人

朱行功高山寨村人

戴至標高山寨村人

以上五名均於同治七年二月三十日同武生郭

鵬翻與髮捻打仗殺賊十餘衆寡不敵同時同

地陣亡

劉喜東坊表村人同治七年正月初二日扶母避難
至村東被賊截阻罵不屈死母得無恙

王彥魁柏鶴莊人同治七年正月初二日罵賊不屈
被殺死

李長春文童水牛李家村人

李奉唐水牛李家村人

李公唐水牛李家村人

李銀白水牛李家村人

以上四人俱於同治七年正月初一日率衆拒賊
備受錘楚罵不絕口被殺死後賊又以油漬身
焚之

自郭步衢至李銀白共二十二員名據邑舉人馬
晉明等呈報冊補